

法苑珠林

卷四十四

四百五  
漆四

51422



元祿九年丙子二月日重修

皇圖聖固 帝階級昌

佛日增輝 懋輪常轉

山城州天安寺法金剛院置



法苑珠林卷第四十四

漆

大唐上都西明寺沙門釋道世字玄暉撰

君臣篇第四十一

此有六部

述意部

王德部

王過部

王業部

王福部

王都部

述意部第一

昔如來在卅頰以末法囑累

帝釋及諸國王良由天力可以摧万邪王威  
可以率兆庶也今遺法所付者意在仗以流  
通以四衆之微弱恐三寶之廢壞藉王者以  
威伏假王者以勢逼今有不肖者寢其瑕疵  
訛黷者掩其紕紊助大猷以惟新扇皇風以  
遐暢一變告其漸再變滌區宇群生侑聖德



之恩佛法得委寄之道斯付囑之謂也如俗  
曰昔者聖王之制意使陰陽有位君臣有章  
男女有別政令有序故王者南面而治天下  
居后於北宮居太子於東方天子立廟王后  
立市日蝕則王脩德月蝕則后脩形此體陰  
陽之位也故軋始於子故子爲天正坤始於  
未其衡在丑陰不專制往而承陽故丑爲地  
正聖王承天序地以成其功故寅爲人正三  
正迭用有變無絕是以王者必存二代之後  
體三正也易曰西南得朋乃與類行東北喪  
朋乃終有變故使臣從乎君女歸乎男也軋  
始於子左行而終於戌坤始於未右行而終

於酉故使男貴左女貴右也 王德部第二  
依瑜伽論云大王當知王之功德略有十種  
王若成就如是功德雖無大府庫無大輔佐  
無大軍衆而可歸仰何等為十一種姓尊高  
二得大自在三性不暴惡四情發輕微五恩  
惠猛利六受正直言七所作諦思善順儀則

八願戀善法九善知差別知所住思十不自

縱任不行放逸

翻前十種雖有大庫

仰大王當

知王之方便略有五種何等為五一善觀察

攝受群臣二能以時行恩妙行三無放逸專

思機務四無放逸善守府庫五無放逸專修

法行

若翻前五行便成五衰損

大王當知略



有五種可愛樂法何等為五  
一、世所敬愛二、自在增上三、能摧怨敵四、善攝養身五、能往善趣復有五種能引可愛何等為五  
一、恩養世間二、英勇具足三、善權方便四、正受境界五、勤修法行翻前五種名不可愛又諸國王有三種圓滿一、果報圓滿二、士用圓滿三、功德圓滿若諸國王生富貴家長壽少病有大宗業成就俱生聰利之慧是王名為果報圓滿若諸國王善權方便所攝持故恒常成就圓滿英勇是王名為士用圓滿若諸國王任持正法名為法王安住正法與諸內宮王子群臣英傑豪貴國人共修惠施樹福受齋堅持禁戒是

王名爲功德圓滿又果報圓滿者受用先世  
淨業果報士用圓滿者受用現法可愛之果功  
德圓滿者亦於當來受用圓滿淨業果報若  
有國王三不具足名爲下士若有果報圓滿  
或士用圓滿或俱圓滿名爲中士若三具足  
名爲上士又中阿含經云若諸王剎利以水  
灑頂得爲人主整御大地有五儀式一劔二  
蓋三天冠四珠柄拂五嚴飾履一切除却復  
有三臣一有忠信無伎能智慧二有忠信伎  
能無智慧三具忠信伎能智慧初名下士次  
名中士後名上士若不忠信無有伎能亦無  
智慧當知此臣下中之下



如像法決疑經云乃至一切俗人不問貴賤  
不得搥打三寶奴婢畜生及受三寶奴婢禮  
拜皆得殃咎故薩遮尼捷經云若破塔寺或  
取佛物若教作助喜若有沙門身著染衣或  
有持戒破戒若繫閉打縛或令還俗或斷其  
命若犯如是根本重罪決定墮地獄受無間苦  
以王國內行此不善諸仙聖人出國而去大  
力諸神不護其國大臣諍競四方咸起水旱  
不調風雨失時人民飢餓劫賊縱橫疫癘疾  
病死亡無數不知自作而怨諸天 又仁王  
經云國王大臣自恃高貴滅破吾法以作制  
法制我弟子不聽出家不聽造作佛像立統



官制等安藉記錄僧比丘地立白衣高坐又  
國王太子橫作法制不依佛教因緣破僧因  
緣統官攝僧典主僧藉苦相攝持佛法不又  
又瑜伽論云大王當知王過有十何等為十  
一種姓不高二不得自在三立性暴惡四猛  
利憤發五恩惠奢薄六受邪佞言七所作不  
思不順儀則八不顧善法九不知差別忘所  
作恩十一向縱任專行放逸 又百喻經云  
昔有一人說王過罪而作是言王甚暴虐治  
政無理王聞是語既大瞋恚竟不究悉信傍  
佞人捉此賢臣仰使剥脊取百兩肉有人證  
明此無是語王心便悔索千兩肉用為補脊

夜中呻喚甚大苦惱王聞其聲問言何以苦  
惱取汝百兩十倍與汝意不足耶何故苦惱  
傍人荅言大王如截子頭雖得千頭不免子  
死雖十倍得肉不免苦痛愚人亦尔不畏後  
世貪濁現樂苦切衆生調發百姓多得財物  
望得滅罪而得福報譬如彼王割人之脊取  
人之肉以餘肉補望使不痛無有是處  
又雜譬喻經云昔有國王喜食人肉勅厨士  
曰汝等夜行密採人來以供厨食以此爲常  
臣下咸知即共斥逐捐於界外更取良賢以  
爲國王於是斃人王經十三年後身生兩翅  
飛行斃人無復遠近向山樹神請求祈福當



取國王五百人身祠山樹神使我還復國王  
便飛行取之已得四百九十九人將之山谷  
以石塞口時有國王將諸後宮詣池浴戲始  
出宮門逢一道人說偈求乞王即許之還宮  
當賜金銀時王入池當欲澡洗其敢人王空  
中飛來抱王得去還於山中國王見敢人王  
不恐不怖顏色如故敢人王曰吾本捕人當  
持祠天已得四百九十九人今得卿一人其  
數已滿煞以祠天汝何不懼國王對曰人生  
有死物成有敗合會有離對來分之何須愁  
耶旦出宮時路逢道人為吾說偈即許施物  
今未得與以是為恨今王弘慈寬恕假日施

訖還來不敢違要也即聽令去而告之曰與  
汝七日期若不還者吾往取汝亦無難也王  
即還宮都中內外莫不歡喜即開庫藏布施  
遠近拜太子為王殷勤百姓辭決而去噉人  
王逢見其來念曰此得無異人乎從死得生  
而故來還即問曰身命世人所重愛者也而  
卿捨命世之難有不審何所志趣願說其意  
國王荅曰即日吾施至誠願當得阿惟越三  
佛願度十方彼王問曰求佛之義其事云何  
國王便為廣說五戒十善四等六度心開豁  
然從受五戒為清信士因放四百九十九人  
各令還國諸王共至其國感其信誓蒙得濟



命各不肯還於本國遂便任止此國於此國  
王各為立第一舍雕文刻鏤光飾嚴整諸國  
王飲食服御與王無異四方人來問言何以  
有此如王舍宅遍一國中眾人荅曰皆是諸  
王舍也名遂遠布從此已來故号為王舍城  
也佛得道已自說本末立信王者我身是也  
敬人王者鴛崛摩是今還王舍城說法所度  
無量皆是宿命作王時因緣人也

#### 王業部第四

如諫王經云佛在世時有

國王名不離先王出行國界道過佛所為佛  
作禮就座而坐 佛告王曰王治當以正法

無失節度常以慈心養育人民所以得霸治

為國王者皆由宿命行善所致統理民事不  
可偏枉諸官公卿群僚下吏凡民皆有怨辭  
王治行不平海內皆忿身死神入太山地獄  
後雖悔之無所復及王治國平政常以節度  
臣民歎德四海歸心天龍鬼神皆聞王善死  
得上天後亦無悔王無好姪洸以自荒壞無  
以忿意有所殘賊當受忠臣剛直之諫夫與  
人言常以寬詳無灼熱之唯有孝順慈養二  
親供事高行清淨沙門見凡老人當尊敬之  
所有財寶與臣同歡當以善心施惠於民無  
以讒言殘賊民命為王之法當宣聖道教民  
為善惟守一心心存三尊王者如斯諸聖咨



嗟天龍鬼神擁護其國生有榮譽死得上天  
世間榮位如幻如夢不可久保人欲死時諸  
家內外聚會其邊椎胸呼天皆云柰何淚下  
交橫嗚呼痛哉神靈獨逝捨吾之乎聞之者  
莫不傷心覩之者莫不助哀載之出城捐於  
曠野飛鳥走獸齔掣食之身中有虫還食其  
肉日炙風飄骨皆為乾往皆尊榮豪貴隱隱  
闐闐亦如大王今者霍然不復見之此是無  
常之明證也古尚如此況於今日王熟思之  
無念姪洙無受佞言證人入罪當受忠諫治  
以節度當畏地獄考治之痛諸含血虫皆貪  
生活不當煞之佛說經竟王意即解願為弟

子即受五戒頭面著地為佛作禮 又摩達

國王經去佛在世時有國王号名摩達王時  
當出軍征討時有比丘已得羅漢道到國分  
衛並見錄將詣王宮門王有馬監令比丘養  
視官馬勤苦七日王後身自臨視軍陣比丘  
見王即於其前輕舉飛翔上住空中現其威  
神王便恐怖叩頭悔過我實愚癡不別真偽  
推問國內誰令神人為是養馬今當治煞比  
丘告王言非王及國人過也自我宿命行道  
常供養師我時為師設飯師謂我言且先澡  
手已乃當飯我愚癡心念言師亦不養官馬  
何故不預澡手師即謂我言汝今念此輕耳



後重如何我聞是語便愁憂之師知其意便  
念言我會當泥洹何故令人惱耶即以其夜  
三更時般泥洹從來久遠各更生死今用是  
故受其宿殃養馬七日夫善惡行輒有殃福  
如影隨形王聞罪福乞歸命三寶受五戒作  
優婆塞佛便為王及人民說法得須陁洹道  
又法句喻經云管有國王治行正法民慕其  
化無有太子以為憂愁佛來入國遵受五戒  
奉敬不懈有一給使其年十一常為王使忠  
信奉法不以為勞卒得重病遂致無常其神  
來還為王作子至年十五立為太子父王命  
終習代為王憍慢自恣不理國事臣寮廢調

民被其患佛知其行不會本識將諸弟子往  
到其國佛告王曰今王自知本所從來不王  
曰愚暗不達不知先世佛告大王本以五事  
得爲國王何等爲五一者布施得爲國王万  
民奉獻宮觀資財無極二者興立寺廟供養  
三尊牀檣幃帳以是爲王在於正殿御座理  
國三者親身禮敬三尊及諸長德以是爲王  
一切万民莫不爲之作禮四者忍辱身三口  
四及意無惡以是爲王一切見者莫不歡喜  
五者學問常求智慧以是爲王決斷國事莫  
不奉行此之五事出世爲王王前出世時爲大  
王給使奉佛以信奉法以愛奉僧以敬奉親



以孝奉君以忠常行一心精進布施勞身苦  
體初不懈倦是福追身得為王子補王之弟  
今者富貴而反懈怠夫為國王當行五事何  
謂為五一者領理万民無有枉濫二者養育  
將士隨時稟與三者念脩本業福德無絕四  
者當信忠臣正直之諫無受讒言以傷正直  
五者節欲貪樂心不放逸行此五事名聞四  
海福祿自來捨此五事衆綱不舉民窮則思  
亂士勞則勢不舉無福則鬼神不助自用則失  
大理忠臣不敢諫則心蕩放逸國王不理務  
民則多怨若如是者身失令名復則無福於  
是世尊重說偈言

夫為世間將

修正不阿枉

心調勝諸惡

如是為法王

見正能修慧

仁愛好利人

既利以平均

如是眾附親

佛說是時王大歡喜五

體懺悔謝佛聞法得須陀洹道

又賓頭盧

為優陀延王說法經云昔輔相子賓頭盧阿

羅漢為優陀延王說偈云

生老病死患

於中未解脫

無明愛毒箭

猶未得拔出

人帝汝云何

而生樂著想

如象處林中

四邊大火起

處此急難處

云何有歡喜

大王應當知

榮位須臾間

智者深觀察

不應於此事

而生希有想

汝何故錯解

未脫生死胎

橫生無畏想

欲賊劫諸根



橫生無畏想

無常不堅固

如芭蕉水沫

亦如浮雲散

天王尊勝位

危脆亦如是

人帝應當知

貪利極速駛

如水注深谷

嗜欲極輕疾

動轉如掉索

愚癡染為欲

不覺致墮落

尊者言大王我今為王略

說譬喻王至心聽昔日有人行在曠路逢大

惡象為象所逐狂懼走突無所依怙見一丘

井即尋樹根入井中截上有黑白二鼠牙齧

樹根此井四邊有四毒虵欲螫其人而此井

下有三大毒龍傍畏四虵下畏毒龍所攀之

樹其根動搖樹上有蜜五滴墮其口中于時

動樹敲壞蜂窠眾蜂散飛啞噬其人有野火

起復來燒樹大王當知彼人苦惱不可稱計  
而彼人得味甚少苦患甚多其所味者如牛  
跡水其所苦患猶如大海味如芥子苦如須  
弥味如螢火苦如日月如藕根孔比於太虛  
亦如蚊子比金翅鳥其味苦惱多少如是尊  
者言大王曠野者喻於生死彼男子者喻於  
凡夫象喻於無常丘井喻於人身樹根喻於  
人命白黑鼠者喻於晝夜齧樹根者喻念念  
滅四毒虵者喻於四大蜜者喻於五欲衆蜂  
喻惡覺觀野火燒者喻其老邁下有三毒龍  
者喻其死亡墮三惡道是故當知欲味甚少  
苦患甚多生老病死於一切人皆得自在世



聞之人身心勞苦無歸依處衆苦所逼輕疾  
如電是可憂愁不應愛著

王福部第五

如舊雜譬喻經云昔有國王出射獵還過寺  
遶塔爲沙門作禮群臣共笑之王覺知問群  
臣曰有金在釜釜沸以手取得不荅曰不可  
得王言汝以冷水投中可得取不臣白王曰  
可得也王言我行王事射獵所作如湯沸燒  
香然燈遶塔禮僧如持冷水投沸湯中夫作  
王有善惡之行何爲但有惡無善乎

又迦

葉經云佛告迦葉過去無量阿僧祇劫有佛  
号妙華時有輪王名曰尼弥如法治世主四  
天下尔時大王見二化生童子得出家已即

以太子令紹王位王與九百九十九子八万  
四千夫人五千大臣及諸人民以淨信心俱  
共出家尔時太子登位七日內自思惟我終  
不捨薩婆若心何用王位作是念已發心出  
家於十五日遊四天下說此偈言

我父及親屬

皆悉已出家

無量億衆生

為法亦出家

我今樂出家

不樂住五欲

一心求出道

欲詣導師所

若發心出家

離諸欲火者

應速隨我去

離難甚難得

不發出家心

不遠離欲火

安心在居家

安住於實法

迦葉時彼童子說此偈時

四天下中無一衆生樂在家者皆悉發心願



求出家既出家已不須種植其地自然生諸  
粒米諸樹自然生諸衣服一切諸天供侍給  
使一切衆生皆得道果

王都部第六

如十二遊經去波私匿王者晉言和悅迦維  
羅越國者晉言妙德舍衛國者晉言無物不  
有維耶離國者晉言廣大一名度生死羅閱  
祇城者晉言王舍城鳩留國者晉言智士波  
羅柰國者晉言鹿野一名諸佛國閻浮提中  
有十六大國八万四千城有八國王四天子  
東有晉天子人民熾盛南有天竺國天子土  
地多饒象西有大秦國天子土地饒金玉西  
北有月支天子土地多好馬八万四千城中

有六千四百種人。万物音響各別有五十六  
万。億丘。魚有六千四百種。鳥有四千五百  
種。獸有二千四百種。樹有万種。草有八千種。  
雜藥有七百四十種。雜香有四十三種。寶有  
百二十一種。正寶有七種。海中有二千五百  
國。有百八十國人。敢五穀有三百三十國人。敢  
魚鼈龜鼉五大國王。一王主五百城。第一王  
名斯黎國。土地盡事佛。不事眾邪。第二王名  
迦羅。土地出七寶。第三王名不羅。土地出四  
十種香。及白瑠璃。第四王名闍耶。土地出畢  
鉢胡椒。第五王名那頰。土地出白珠及七色  
瑠璃。五大國城人多。黑色短小。相去六十五



万里從是已去但有海水無有人民去鐵圍山百四十万里。又智度論問曰如舍婆提諸大城皆有諸王舍何故獨名此城為王舍城。答曰有人言是摩迦陁國王有子一頭兩面四臂時人以為不祥王即裂其身首棄之曠野羅刹女鬼名闍羅還合其身而乳養之。後大成人力能并諸國王有天下取諸國王万八千人置此五山中以大力勢治闍浮提人因名此山為王舍城復有人言摩迦陁王先所住城城中失火一燒一作如是至七國人疲役王大憂怖集諸智人問其意故有言宜應易處王即更求住處見此五山周匝如

城即作宮殿於中止任以是義故名王舍城  
復往古世時此國有王名婆藪心馱世法出  
家作仙人是時居家婆羅門與出家諸仙人  
共論議居家婆羅門言經書云天祀中應煞  
生取肉諸出家仙人言不應天祀中煞生取  
肉共諍云云諸出家婆羅門言此有大王出  
家作仙人汝等信不諸居家婆羅門言信諸  
出家仙人言我以此人爲證後日當問諸居  
家婆羅門即以其夜先到婆藪仙人所種種  
問已語婆藪仙人明日論議汝當助我如是  
明旦論時諸出家仙人問婆藪仙人天祀中  
應煞生取肉不婆藪仙人言婆羅門法天祀



中應煞生敢肉諸出家仙人言於汝實心云  
何婆藪仙人言為天祀故應煞生敢肉此生  
在天祀中死故得生天上諸出家仙人言汝  
大不是汝大妄語即唾之言罪人滅去是時  
婆藪仙人尋陷入地沒踝是初開大罪門故  
諸出家仙人言汝應實語若故妄語者汝身  
當陷入地中婆藪仙人言我知為天故煞生  
敢肉無罪即復陷入地至膝如是漸漸稍沒  
至腰至頂諸出家仙人言汝今妄語得現世  
報更以實語者雖入地下我能出汝今得免  
罪今時婆藪仙人自思惟言我貴人不應兩  
種語又婆羅門四韋陀法中種種因緣讚詞

天法我一人死當何足計一心言天應天祀中  
煞生取肉無罪諸出家人言汝重罪人催去不  
用見汝於是舉身沒地中從是已來乃至今日  
常用婆藪仙人王法於天祀中煞羊當下刀時  
言婆藪仙人煞汝婆藪之子名曰廣軍嗣位為  
王後亦馱出法而不能出家如是思惟我父先  
王出家生入地中若治天下復作大罪我今當  
何以自處如是思惟時間空中聲言汝若行  
見難值希有處汝應是中作舍住作是語已  
便不復聞聲未經幾時王出田獵見有鹿走  
疾如風王便逐之而不可及遂逐不止百官  
侍從無能及者轉前見有五山周帀峻固其



地平政生草細軟好華遍地種種樹林華果  
茂盛溫泉浴池皆悉清淨其地莊嚴處處有  
散天華天香聞天伎樂介時捷闍婆伎樂適  
見王來各自還去是處希有未曾所見今我  
正當在中作舍住如是思惟已群臣百官尋  
跡而到王告諸臣我前所聞空中聲音汝行  
若見希有難值之處汝於是中作舍住我今  
見此希有之處我應是中作舍住即捨本城  
於此山中住是王初始在此中住從是已後  
次第止住是王元起造立宮舍故名王舍城  
又智度論耆闍崛山者此名鷲頭山問曰何  
故名鷲頭山荅曰是山頂似鷲王舍城人見

其似鷲故共傳言鷲頭山因而名之為鷲頭山又王舍城南屍陀林中多諸死人諸鷲常來食之還在山頭時人遂名鷲頭山是山於五山中最高大多好林泉聖人住處又大哀經云佛在王舍城靈鷲山者古昔諸佛之所遊居如來威神之所建立其地道場諸菩薩衆所共咨嗟無極法座天龍鬼神等咸俱歸命稽首為禮又智度論問曰佛普慈一切何故獨住王舍城不任餘城荅曰亦任餘城希少而多住王舍城舍婆提城為諸城邊國又彌離車地多弊惡人善根未熟故不住之又佛知恩故多住此二城問曰何故知恩



多住二城。答曰：憍薩羅國是佛生身地。舍婆提大城佛為法主。故亦在此城。問曰：若知恩故，多住舍婆提城者，迦毗羅城近佛生處，何以不住？答曰：佛無餘習，近諸親屬亦無累想。然釋種弟子多未離欲，若近親屬則染著心。生以報生地恩，故多住舍婆提。一切衆生皆念生地，故如偈說：

一切論議師

自受所知法

如人念生地

雖出家猶諍

以報法身

地恩，故多住王舍城。諸佛皆愛法身故，如偈說：

過去未來

現在諸佛

供養法身

師敬尊重

法身於生身勝，故二城中多住王舍城。

頌曰

君臣感德

靈寶金鏡

寶冊葳蕤

帝圖掩映

鳥紀稱祥 龍書表慶 萬國來朝 百辟作詠  
肇高武皇 後嗣宗聖 凶夷險阻 威感除併  
慈陰蒼生 業隆壽命 至哉勝業 聖君啓政  
感應緣 略引五驗 燕臣莊子儀

漢王如意

漢靈帝

漢宣帝

漢靈帝

燕臣莊子儀無罪而簡公煞之子儀曰死者  
無知則已若其有知不出三年必使君知之  
昔年簡公祀於祖澤燕之有祖澤猶宋之有  
桑林國之大祀也男女觀子儀起於道左荷  
朱杖擊公公死於車上 漢王如意漢高帝第  
四子也呂后生長子也立為皇太子而如意  
母戚夫人得寵於帝帝數欲替太子而立如



意羣臣爭之故遂封如意於趙呂后以是嫉  
之及高帝崩呂后候如意到長安而燬煞之  
又支斷戚夫人手足号爲人豕後呂后拔除  
於灞上還道中見物如蒼狗攫后腋忽而不  
見卜之云趙王如意爲祟遂病腋傷而崩右  
驗出宛  
地志漢靈帝數遊戲於西園令後官姝

女爲客舍主身爲商賈行至舍間姝女下酒  
因共飲食以爲戲樂蓋是天子將欲失位降  
在皂隸之謠也其後天子遂傳古志之曰赤  
厄三七三七者經二百一十載當有外戚之  
暮丹眉之妖暮盜短祚極於三六當有龍飛  
之秀興復祖宗又歷三七當復有黃首之妖

天下大亂矣自高祖建業至于平帝之末二百一十季而王莽篡位蓋因母后之親十八年而山東賊樊子都等起寶丹其眉故天下号曰赤眉於是光武以興於其名曰秀至于靈帝中平元年而張角起置三十六万衆數十万人皆是黃巾故天下号曰黃巾賊故今道服由此而興初起於鄴會於真定誑惑百姓曰蒼天已死黃天立歲名甲子年天下大吉起於鄴者天下始業也會於真定也小民相向跪拜信趣出荆楊尤甚棄財產流沉道路死者數百角等初以二月起兵其冬十二月悉破自兗武中興至黃巾之起未盈二百



一十季而天下大亂漢祚廢絕實應三七之  
運也 漢宣帝之世燕岱之間有三男共取  
一婦生其四子及至將分妻子而不可均乃  
致爭訟廷尉范延壽斷之曰此非人類當以  
禽獸從母不從父也請殺三男子以見還母  
宣帝嗟歎曰事何必古若此則可謂當於理  
而厭人情也延壽蓋見人事而知用刑矣未  
知論人妖將來之應也 漢靈帝建寧三年  
河內有婦食夫河南有夫食婦夫婦陰陽二  
儀之體也有情之深者也今反相食陰陽相  
侵豈特日月之清哉靈帝既没天下大亂君  
有妾誅之暴臣有劫弑之逆兵革傷殘骨肉

為讎生民之禍至矣故人妖為之先作恨而不  
 遭辛有暑乘之論以測其情也右其三驗出

法苑珠林卷第四十四

漆

紕反正弥

紊亡愠反

訕所諫反

𠂔坤音

侮武音

倭濁反

接定

醵反烏獲

掣赤計也

脆昌反

駛此歲反

嗜史音

齧是音

齧研反

結

芟反補割

碁居反

租子胡反

袂甫物反

攫九縛反

窮窮則

一

身

莫窓澗反



